



kat.komp.


53373

I

Mag. St. Dr.

P

nni: Dogmata philosophica
certis conclusionibus distincta.



DOGMATA PHILOSOPHICA.

Certis conclusionibus distincta

EX

CONTROVERSIIS PHYSICIS
deducta

&

IN

ACADEMICO
POSNANIENSI COLLEGIO
Publicæ Velitationi

Ab

Adamo Stefanowski Philosoph. Auditore

EXPOSITA

*Assistente sibi Excell. M. ANDREA BARANKIEWICZ
Philosoph. Doctore eiusdemq. Professore.*

Anno Domini 1651. Mensis Maij Die 21.



POSNANIÆ,
In Officina ALBERTI REGVLII.

ARMA
ILLVSTRISSIMÆ DVCALIS
PROSAPIÆ.



53373
L

En propevat Fidei aduersas mactare cohortes,
Frangere & Extellere Castra inimica sua.





ILLVSTRISSIMO PRINCIPI
& Reuerendissimo Domino,
D. CASIMIRO FLORIANO
DVCI IN KLEVAN
CZARTORYSKI
Dei & S. Sedis Apostolicæ Gratiâ
EPISCOPO POSNANIENSI,
Domino & Mœcenati Amplissimo.

SOLVS ceritè tam à bonis literis, quæ Magnorum Heroum
ut virtutes ita & honores venerari & obseruare debent,
quàm ab omni humanitate & ingenuitate alienus videretur
Philosophicus genius, ILLVSTRISSE ac REVEREN-
DISSIME PRINCEPS. si inter tot creberrimas easq;
densissimas ab omni ætate, conditione, & genere, in hoc ipso Episcopatus
Posnaniensis Illustriss. Celsitudinis Vestre ingressu, gratulationū phalan-
ges: suæ quoq; obseruantie, cultusq; deuoti, negligeret exoluere debitum.
Neq; enim minùs, Diuinū ingenium, Homericamq; disserendi vel eloquen-
dis facundiam Illustriss. Cel. Vestre solers Philosophorum admiratur tur-
ba, quàm Vniuersus populus, voce, vultu, acclamationibus, Magnū
PRINCIPEM, PRÆSULEM, & SENATOREM, cum in-

genti excipit latitiae, ac submisce Veneratur. Nimirum quemadmodum illa, quæ à sensibus humanis sunt remotissima, quorum natura præstantissima ac eminentissima sunt, quales sempiternæ illæ mentes à corporum segregata consortio, causam admirationis, hæc amoris, amor honoris, honor venerationis, in animis Philosophantium pepererunt: ita dum Illustrissimam Celsitudinem Vestram in hoc solo sancto, & solio Pastoralis, Divina benignitate collocatam, nec quidquam commune cum hominibus mundi, habentem: nilq; nisi sanctum, caeleste, supernum cogitantem, intuetur: quomodo dum maxime admiratur: Verens & attonita non Venerabitur: Quare cum totus Musarum plusquam de sui Appollinis introitu in Parnassum, gestientium chorus, in communem effusus latitiam: pacem, vitam, prosperitatem, Illustrissimæ Cels. Vestræ, in primo & auspiciatissimo suæ Ecclesiæ ac Urbis ingressu, alternis ingeminans imprecetur modulis: cùm Oratorum disertissimorum Panegyres, politiore hoc sæculo non indignæ, in celebrandis & enarrandis clarissimis Illuf. Cel. Vestræ virtutibus, suum ingeniosè explicant studium. Palæstra Philosophica: Dogmata hæc Physica, quæ Illustrissimæ Celsitudinis Vestræ Nomini, inscribit Amplissimo, cultus deuotissimi ac pientissimi affectus sui, voluit esse monumentum & argumentum. Vanam autem illa digna sint conspectu Illustrissimæ Cels. Vestræ: nec animum depono: quid enim dignius Principum oculis, Minervæ & Marte federatis, Aquilis militantibus & disceptantibus; à quorum uno quanto longius abest Illuf. Cel. Vestra tanto magis alteri suffragatur. Quid si Principum virorum solis in literarum studiis summa cum summa utilitate coniuncta est delectatio: quæ quidem aliis ex rebus omnibus fluxa, & fragilis atq; eiusmodi, ut maior eam comes è vestigio consequatur: ex hac sola solida & diuturna vel potius sempiterna percipi consuevit: quid tandem de Illustrissimæ Celsitudinis Vestræ erga literariam rem animo, sentiendum est? cui tantum inesse ardorem & Cupiditatem sciendi, nouimus. Ut postquam suauitatis illius dulcedinisq; quæ in literarum studiis abstrusa est & recondita, gustum semel perceperit, nunquam ab ea se diuelli permiserit: Fuit equidem hæc quondam Magnorum Principum laus ut non aliâ re quam literis ceteros antecire, pulchrum existimarent. Qua-

les video cū alios plurimos, tū illos duos in Republica Romana Principes viros, & ad omnia summa natos. Marcum Brutum & Caium Iulium Caesarem, quorum alter tantā dicitur legendæ hystoria voluptate captus fuisse, ut impendentis periculi oblitus, in id usq; punctum temporis, absq; ulla intermissione legeret, quo in aciem descendendum erat; alter cum hostium vi compulsus se in fluctus e naui proiecisset, ut vitæ salutisq; suæ natando consulere, alterā tantū manu natando usus, alterā verò lilellos in altum ne madescerent sustulisse legitur. Verū hæc superstitiosa antiquitatis contentio, vana, futilis, commentitia, & merum seminum: quia, verā religione, pietate, & notitia DEI veri destituta: Studium verò Illustrissimæ Celsitudinis Vestræ pium, sanctum, solidum, Ecclesiæ, Patriæ, totiq; Reipublicæ proficiū. Pro eo itaq; Studio (ut ad propositum reuertar) ut aliorum virorum licetatorum, ita quoq; Palaestra philosophicæ, submissam hanc cultus sui & obsequii Illustrissima Celsitudo Vestra, non aspernabitur declarationem. Augetur eò magis spes voborum nostrorum quod sublimiora Philosophicarum, pariter ac Theologicarum in Illustrissima Celsitudine Vestra perspiciuntur ornamenta: quibus ita Illustrissima Celsitudo vestra fulget, ut non tam humano ingenio, quàm Delphico quodam oraculo videatur instincta. Hoc deniq; sperare iubet pietati & excelsæ menti iuncta humanitas, quam non aliter re sol quod altius se erigit, magis vberioris luminis, diffundit radios, ita Illustris. Cel. Vestra: in supremo hoc Præsuleæ dignitatis collocatæ folio, non tantū alicui eam non denegabit, sed eò magis testatam esse optabit. Imperatoris Rudolphi inclytæ gentis Austriacæ primi authoris, hanc vocem fuisse Annales testantur, non ideo Imperator sum, ut in arcula includar, sinite etiam tenuiores adme venire. Hoc idem de humanitate ac Clementia Illus. Cels. Vestræ persuasum habemus: quam diuina benignitas, & antiquitate Regiæ stirpis ornatam, & plurimarum virtutum, ac sublimium scientiarum ab incunte ætate studio & amore incensum, Ecclesiæ suæ probatissimum Antistitem, & his quoq; nostris studiis beneuolentissimum præfecit Protectorem. Magnum est beneficium & non nisi diuinitus datum PRINCEPS Optimus, DEI imaginem representans, quo procedente (ut verbis Seneca utar) omnes summi pariter infimi tanquam ad bene-

beneficium fidus aduolant aut in prosperis, aut in aduersis, leuamen &
auxilium reportaturi. Accipe igitur PRINCEPS ILLVSTSSIME
pro Tua in omnes ad stuporem effusa humanitate, quidquid à tenuitate
Philosophica elaboratum est: quod dum Illustrissima Celsitudo Vestra
facit, nos Diuinam Maiestatem, SS. Tutelarium regni intercessione fre-
ti oramus, atq; perpetuo exorabimus, ut Te Ecclesie Pastorem vigilan-
tissimum, Regni Senatorem consilio grauissimum, Patrie salutis zelato-
rem suspiciendum, Academie Patronum beneuolentissimum, suis gratis
cumulatum, vita longeuum incolumem & florentem seruare dignetur.

CON.



CONCLVSIONES CONTROVERSIÆ

PRIMÆ.

I.

PHILOSOPHIA naturalis seu Physica est de numero speculatiuarum scientiarum, vera & legitima scientia, quæ in rerum naturalium Principijs, Causis, & Passionibus explicandis versatur: iuxta Conclusiones demonstratiuè scitas habens vnitatem Specificam: iuxta habitum principiorum & conclusionum, Opinionum & Demonstrationum in ea comprehensarum Propositiones, tali vnitare carens, cum sic sit multiplex.

II.

ENS mobile, pro Obiecto Adæquato Physicæ; Corpus verò mobile seu Substantia naturalis, quæ sunt vnum & idem, pro Principali rectissimè assignatur: Ens mobile rectius assignatum exprimit Obiectum. quàm corpus Mobile.

CONTROVERSIÆ

SECUNDÆ.

I.

NATURA Primorum Principiorum in Philosophia naturali talis est: vt nec fiant ex alijs Principijs prioribus se, nec mutuo ex seipsis. sed ex illis omnia. Hoc autem totum, non vnâ & eadem ratione attribui potest tribus Principijs.

II.

INTRINSECA Principia rerum naturalium sunt tantùm tria, nec plura nec pauciora. Materia, Forma, & Priuatio, duo in facto esse, tertium in fieri tantùm. Non omnia sunt sibi contraria, sed Forma & Priuatio, tertium sine contrarietate.

CONTROVERSIÆ

TERTIÆ.

I.

Ordine naturæ & originis, primum Principium est Materia prima: ex qua res omnes naturales fiunt, & in eandem resolvuntur. Est in rerum natura comprehensa in prædicamento substantiæ, distincta realiter à Forma secundum essentiam. Idem cum Forma secundum existentiam.

II.

Actus Metaphysicus Entis, seu Essentiæ non est remouendus à Materia prima, Actus Physicus nullus ei tribuendus est: quia ex sua natura est simplex Potentia, non quidem Activa sed Passiva.

III.

Respectiva Potentia non est de essentia Materiæ, sed distincta ab ea, similiter particularis & proxima Absoluta. Uniuersalis eiusdem entitatis & Essentiæ cum ea. Hæc eadem extenditur ad Formas Naturales, Substantiales, & Accidentales non item ad Formas Cælorum Substantiales nec Accidentales Spirituales.

IV.

Obedientialis Potentia respiciens supernaturale Agens, adest Materiæ primæ, in ordine tam ad formas corruptibiles amissas, quàm incorruptibiles & æternas.

V.

Appetitus Materiæ primæ ad Formas, naturalis & intrinsicus, sumptus pro Entitate absoluta & inclinatione, idem est cum Materia, quod si importet Priuationem aut Relationem ad Formas è contra.

VI.

Ingenerabilem & incorruptibilem esse Materiam Primam ex sua natura per se, certissimum esto: per Accidens oppositum te-
neatur.

VII.

Vnitatis numerica negatiua Materiæ Primæ, fit per remotionem omnium formarum, quomodo secundum se sumitur, non ut est constituta sub varijs Formis.

VIII.

Inseparabilis est à Forma Substantiali communi, etiam per Supernaturalem. & absolutam Dei Potentiam: & licet Accidens possit sic separari à Substantia, non item Materia, cum maior sit dependentia eius à Forma, quàm Accidentis, à Subiecto, in quo est.

CONTROVERSIÆ

QUARTÆ & QUINTÆ.

II.

Sicut Materia prima, ita & Forma Substantialis, in rerum natura dari debet, quæ sit Actus simplex, & Primarius Materiæ vnum per se cum illa constituens.

III.

Quiditas & Essentia rerum, magis à Forma, quàm à Materia haurienda est, quamvis ab utroque pendeat

III.

Licet Forma tam Specifica quàm Generica, sint Communicabiles, Numerica tamen est Incommunicabilis Communicabilitas illa à materia potius sumi debet

IV.

Vnitatis Formæ Substantialis infert unitatem Materiæ, & è contra: hinc totum Physicum constat ex Materia & Forma, tanquam partibus Substantialibus, per Unionem vnā numero simplicem unitis.

V.

Priuationo quomodo sit Principium, indicat Contr. 2. Con. 2. Formaliter sympta & secundum suam Essentiam, non est Ens Reale, nisi secundum quid.

CONTROVERSIÆ

SEXTÆ.

I.

Natura est Principium & Causa Motus & Quietis eius in quo est, primò, per se, non aliena vi, nec secundum Accidentis: quæ

B.

desi

Definitio Metaphysice accepta, est Descriptiua, Physicè. Essentialis. Natura dicitur de Materia & Forma, Analogicè non vniuocè.

CONTROVERSIÆ

SEPTIMÆ.

I.

CAusa est id, ad cuius Esse sequitur aliud; cuius Ratio Analogicè dicitur de Materia, Forma, & Priuatione. Quaternarius eius numerus, rectè agnoscitur, Materia Forma, Efficiens & Finis. Prioris, Ratio Causalitatis est, dependere à sustentaculo formarum, & ab eo, quod est Esse Id, ex quo Totum ipsum Componitur. Secundi ratio causalitatis consistit in Actuali informatione Materiæ, reuocando eam à Potentia ad Actum. Tertij est, Rem per Motum producere vel mutationem: non autem Actione quæ est Condicio tantum requisita. Quarti est: mouere Voluntatem Motione Metaphoricâ, præsertim si comparetur cum Agente Finis. nam si ad Media, comparetur, tunc conferre ipsis Bonitatem quandam, mediante quâ sequatur Electio Voluntatis & desiderium ad assequendum Finem: est vera Causalitas.

CONTROVERSIÆ

OCTAVÆ.

I.

Locus est affectio Entis Mobilis, qui non est Materia, nec Forma nec Interuallum, sed Superficies vltima Corporis Continentis. Cuius Attributa à Philosopho enumerata, benè conueniunt superficiej.

II.

Quamuis plura corpora, per Supernaturalem & Absolutam DEI Potentiam, possint esse in eodem Loco, per mutuatam penetrationem, non tamen vnum & idem numero corpus, reponibile est in pluribus Locis simul & semel, etiam Supernaturaliter, per proprias Dimensiones.

III.

Per

PER Dimensiones alienas, non implicat contradictionem, vnum
& idem corpus numero, esse in locis pluribus, simul & semel:
sicut Corpus **CHRISTI** Domini, est in pluribus Ecclesijs, per
Dimensiones Specierum, qui modus Essendi in locis pluribus,
rectè dicitur Sacramentalis

CONTROVERSIÆ

N O N Æ.

I.

Vacuum in rerum natura, naturali vi, dari nequit. Possibile
tamen est, per Supernaturalem. Potestq; **DEVS**, imò & In-
telligentiæ, efficere, vt motus detur in vacuo, nullâ id cau-
sâ naturali & quæ in mouendo, pendet à Corporibus cæle-
stibus, efficiente.

II.

Supposito hoc, quod vacuum Supernaturaliter. possit effici;
Motus qui fieret in illo, siue sit Naturalis, siue Violentus, esset
Successiuus non in Instantaneus.

CONTROVERSIÆ

D E C I M Æ.

I.

AD hoc vt Tempus (quod est Mensura & Numerus Motus
secundum prius & posterius) detur; non est necesse vt par-
tes ipsius Actu dentur, sed sufficit Instans vel Momentum, con-
nectens partem priorem, cum posteriori: Tempus est Numerus,
non Numerans quo numeramus, sed Numeratus & Applicatus
Motui.

II.

Substantiæ Orbium, cælestium realiter differunt à Tempore,
Motus verò, solâ ratione, ita vt Tempus & Motus, sit vna
& eadem Entitas.

III.

Br

Neq;

Neq; in ratione Essentiæ, neque in ratione Mensuræ Tempus potest dependere ab Intellectu, & esse Ens Rationis, in Actu verò mensurandi quatenus nimirum in eo sumuntur partes priores & posteriores, exq; applicantur ad aliquem motum, sic dependet à Ratione; si quidem hæc applicatio, à nullo alio fit, quàm ab Intellectu.

IV.

Improprie Tempus acceptum, non est vnum Numero, sed quot sunt Motus tot Tempora, si tamen proprie & ex sua natura sumatur: est tantum vnicum Numero, non verò Multiplex:

CONTROVERSIÆ

V N D E C I M Æ.

Motus est Actus Entis in Potentiâ, prout in Potentiâ: est definitio accurata Naturam & Essentiam Motus sufficienter declarans. Essentialis & non Descriptiva.

II.

Artificiales & violenti Motus, non possunt supra definiti rationem participare Motus, Simpliciter & Absolutè, sed tantum iuxta aliquam similitudinem.

III.

Cælorum Motus etiam supra dictæ definitioni Motus nequeunt subiacere, ratione Totius Cæli, cum sic non mutet locum, sed tantum ratione Partium, quomodo dicitur mutare locum.

IV:

In nullo certo & determinato Prædicamento, per se continetur Motus, Reductivè tamen, ad illud Prædicamentum referri potest, ad quod refertur Terminus ipsius in quem fertur.

V.

Commutatio, Accretio, & Motus localis, non differunt realiter à suis Terminis, sed tantum ratione rationatâ. Motus localis quamvis realiter non differat à termino intrinseco differe tamen à termino extrinseco.

VI.

V I.

Generatio sumpta pro præuiis dispositionibus præparantibus Materiam ad introductionem formæ Substantialis, est verus Motus, sumpta pro Instantanea introductione formæ in Materiam, non potest dici Motus.

V II.

Vnitás Numerica Motus, requirit vnitatem Numericam Mobilis, Terminí, & Temporis.

V III.

Specifica Essentialis vnitás motus, non à Terminò à Quo, nec à Terminò ad Quem Materialiter sumpto, sed à Terminò ad Quem formaliter accepto, Ultimato. Vnitás verò Accidentalís ab Agente, non à Terminò, desumenda est.

I X.

Quies (quæ est Cessatio à motu in Subiecto apto & nato moueri) siue sit in Terminò à Quo motumque ipsum antecedit (siue in Terminò ad Quem, prout denotat puram & Absolutam Priuationem Motus, contrariatur Motui, contrarietate Priuatiuâ. Quies vt significat statum aut consistentiam Mobilis in Formâ acquisita, non est contraria Motui, sed potius est Perfectio Motus.

X.

Contrarijs motibus, nullum ens ratione vnus & eiusdem partis potest moueri. per accidens tamen & ratione diuersarum patium, oppositum tenendum est.

CONTROVERSIÆ

D V O D E C I M Æ.

I.

Cælum non est ita Simplex. vt non sit compositum ex Materia & Forma, cum sit Substantia Materialis completa: sed dicitur Simplex, quatenus contrariarum Qualitatum est expers.

I I.

Materia Cælorum est diuersæ rationis à Materia Sublunarium rerum.

III.

Incorruptibiles sunt ex natura sua Cæli. quamvis consent ex Materia & Forma. Forma autem Cælorum tam secundum veritatem quam secundum Aristotelem, non est de genere Animatorum, sed Inanimatorum.

IV.

Planetæ Astra & primum Mobile influunt in hunc Sublunarem Mundum, ita ut singulis Speciebus rerum inferiorum, respondeant in cælestibus corporibus, peculiares Virtutes quibus foueantur ac conseruentur.

V.

Motu, Lumine, & Influentijs, Cæli agunt in inferiora, ubi Motus & Lumen, non pro Instrumentis sed pro ipsis Actionibus sumi debet.

VI.

Caliditas, Frigiditas, Humiditas, Siccitas, item Sapidum Odoriferum, Graue, Leue, Molle Durum, formaliter ista omnia non inueniuntur in Cælis.

VII.

Accidentia ista, calor Lumen Siccitas Frigiditas, Humiditas & Motus Localis, in his inferioribus, ab Astris causantur.

VIII.

Cæli Formaliter sunt Quanti, & Sphæricè perfectè figurati. Sunt autem Vndecem mobiles, Duodecimum Immobile, quod dicitur Empyreum: & hoc est Quadratæ Figuræ, licet quo ad hanc partem quâ cingit Primum Mobile possit dici Circulare.

IX.

Stellæ fixæ, similiter & Planetæ, exceptâ Lunâ, scintillare dicuntur. Illuminantur à Sole, ita tamen ut aliquid Luminis innati, ex se possideant.

X.

Lumen ex sua natura, est causa Caloris, cuius Radius cōpositus ex Directo & Reflexo, magis calefacit quam solus Directus.

XI.

XI.

Astra, indirectà Actione agunt in Intellectum & Voluntatem humanam, inclinando. non imprimendo aliquid per se.

XII.

Ex obseruatione Siderum & Planetarum possunt ab Astrologis certò præcognosci Ortus, Occasus Aspectus, Ecclipses, sed Frigora, Æstus, Tempestates, Pluuiæ, Venti, morbi sterilitates nonnisi Probabiliter.

XIII

Inclinationes hominis, Temperamenta, & Naturalis ad bene vel malè operandum circa determinata rerum genera, Aptitudo: non verò Actiones ex humana voluntate pendentes, neque Successus Contingentes aut Fortuiti, possunt præcognosci.

CONTROVERSIAE

DECIMAE TERTIAE

I.

Elementa neque in esse Summo in esse Remisso Formaliter manent in Mixto, sed Virtualiter & in Potentia.

II.

Mixtum continet Elementa Virtualiter, virtualitate Accidentali solum non substantiali: ita vt ideo dicantur manere virtualiter in Mixto quia in eo reperiuntur primæ, Qualitates quæ dicuntur virtutes Elementorum, non autem ideo, quia Forma Substantialis Mixti virtualiter includit Formas Elementorum.

III.

Temperamenta dantur Nouem, Temperamentum vnum æqualitatis ad Pondus, Octo Difformia: quorum Quatuor sunt Simplicia Quatuor Composita: per Temperamentum intelligitur Primarum Qualitatum symetria & concordia.

IV.

Elementa sunt quatuor, per suas Formas Substantiales constituta & distincta.

V. Ge-

V.

Generabilia & Corruptibilia sunt elementa & secundum partes, & secundum Totum: Actuali tamen corruptione, tantum secundum Partes.

VI.

Quodvis Elementum è quouis immediate generari potest, siue sint Symbola, siue Dissymbola.

VII.

Cuilibet elemento propriæ conueniunt qualitates, vt Igni caliditas & siccitas in summo, Aëri caliditas & humiditas remissæ, Aquæ humiditas in summo, frigiditas infra summum, Terræ frigiditas in summo, siccitas remissæ.

VIII.

Qualitates primæ sunt quatuor, nec plures nec pauciores - neque dantur aliæ virtuales eiusdem nominis. E quibus ignis & frigus sunt magis Actiua quam humiditas & siccitas.

IX.

Generatio est Actio productiua Compositi Substantialis dependenter à Subiecto, distincta ab Alteratione, Creatione, & Conuersione.

Sit nomen Domini benedictum.



xxiv. 5. 17

100.

Biblioteka Jagiellońska



stdr0026738

